



# COMUNE DE ROMANA

## DELIBERAZIONE DE SA GIUNTA COMUNALE N. 78 DE SU 15/12/2022

OGETU: Adozione de mesuras urgentes de soliedariedade alimentare e de sustennu a sas famillias pro su pagamentu de s'afitu e de sos impitos domèsticos – Art. 53 DL n. 73 de su 25/05/2021. Impitu economia. Diretivas a sa Responsàbile

S' annu duamìgia e bintiduos sa die bìndighi de su mese de Nadale a sas 18:00, in sa SALA GIUNTA, acumpridas in antis totu sas formalidades prevididas dae sa Lege e dae s'Istatutu, s'est reunida sa Giunta Comunale suta de sa presidèntzia de su Sìndigu CATTE LUCIA.

A s'apellu nominale resurtat:

<b>CÀRRIGA</b>	<b>SAMBENADU E NÙMENE</b>	<b>PRESENTE</b>
SÌNDIGU	CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 4 Ausentes n° 0

Partètzpat su Segretàriu Generale DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu CATTE LUCIA, in sa calidade sua de Presidente, leat sa presidèntzia e decarat aberta sa setziada pro trattare s'ogetu torradu a giùghere in subra.

## SA GIUNTA COMUNALE

Bidu s'artìculu 53 de su DL 25 de maju de su 2021, n. 73, chi giughet "Mesuras urgentes de solidariedade alimentare e de sustennu a sas famìllias" chi previdit cantu s'ghit:

*"1. Pro permitere a sos comunes s'adotzione de mesuras urgentes de solidariedade alimentare, e puru de sustennu a sa famìllias chi ant bisòngiu pro su pagamentu de s'afitu e de sos impitos domèsticos est istituìdu in s'istadu de previsionu de su Ministèriu de s'internu unu fondu de 500 milliones de èuro pro s'annu 2021, de partzire, intro de 30 dies dae sa data de intrada in vigèntzia de custu decretu, cun decretu de su Ministru de s'internu, de acordu cun su Ministru de s'economia e de sas finàntzias, fatu chi chiat in antis un'acordu in sede de Cunferèntzia Istadu-tzitade e autonòmias locales, subra de sa base de sos critèrios chi s'ghint:*

- a) una cuota che pare a su 50% de su totale, pro èuros 250 milliones in totu, est partzida in proportzione a sa populatzione residente de onni comune;*
- b) una cuota chi restat che pare a su 50%, pro èuros 250 milliones in totu, est partzida in base a sa distàntzia tra su valore de su rèdditu pro onniunu de onni comune e su valore mèdiu natzionale, valutada pro sa populatzione respetiva. Sos valores de rèditu comunales sunt cussos relativos a s'annu de imposta de su 2018, publicados dae su Dipartimentu de sas Finàntzias de su Ministèriu de s'economia e de sas finàntzias, a s'indiritzu: [https://www1.finanze.gov.it/finanze3/analisi\\_stat/index.php?search\\_class%5B0%5D=cCOMUNE&opendata=yes](https://www1.finanze.gov.it/finanze3/analisi_stat/index.php?search_class%5B0%5D=cCOMUNE&opendata=yes);*
- c) su contributu minimu chi tocat a onni comune non podet in onni casu resurtare inferiore a 600 èros. Sa cuota de sa cale ((a sa lìtera a))) relativa a sos comunes cun populatzione de prus de chentumìgia abitanter est minimada, a manera proportzionale, de s'importu netzessàriu a assegurare su respetu de sos critèrios de sos cales a custa lìtera.*

*((1-bis. Pro semplificare sos protzedimentos de ispesa relativos a sas resursas de sas cales a custu artìculu, sos comunes podent aplicare sas protzeduras de sas cales a s'ordinàntzia de su Capu de su Dipartimentu de sa protezione tzivile n. 658 de su 29 de martzu de su 2020, ca sunt cumpatìbiles)).*

- 2. A s'ònere de su cale a su comma 1, che pare a 500 milliones de èuros pro s'annu 2021, si providit cunforma a s'artìculu 77 pro su pagamentu de s'afitu e de sos impitos domèsticos"*

Bida s'Ordinàntzia de su Capu de su Dipartimentu de sa protezione tzivile n. 658 de su 30/03/2020 chi giughet: "Àteros interbentos urgentes de protezione tzivile in relata a s'arriscu sanitàriu ligadu a sa presèntzia de maladies chi derivant dae virus chi si podent trasmìtere".

Consideradu chi in sa situatzione de emergèntzia chi nch'est, non si podet fàghere a mancu de adotare totu sas mesuras netzessàrias pro minimare su discumbèniu econòmicu de sos nùcleos familliares prus sugetos a sa crisi econòmica;

Consideradu chi posca de sos interbentos ammaniados durante sa fase de s'emergèntzia su Comune de Romana at acolumadu € 4681,53 de economias e si cunsiderat netzessàriu pregonare diretivas apòsitas pro s'assegnatzione de sos contributos a sas famìllias chi nd'ant bisòngiu, pro satisfàghere sas esigèntzias prus urgentes e essentziales, cun prioridades pro cussos chi no ant giai sustennu pùblicu;

Reconnotu chi custa amministratzione cheret cuntzèdere sos giuamentos mentovados pro mèdiu de duas modalidades:

a. isbursamentu de *voucher* a sos tzitadinos, chi si podent impitare pro comporare roba de mandigare in sas butegas conventzionadas cun su Comune (chi ant a presentare rechesta de reimbursu a su Comune) confirmende sas conventziones giai estipuladas cun sos esertzìtzios cummertziales de Romana in su 2020 e perlonghende-las pro s'àteru tempus netzessàriu a s'esecutzione de su contributu nou cuntzessu e, s'est netzessàriu, previdende cuntzessiones noas;

b. pro mèdiu de reimbursos deretos a sos tzitadinos de cantu pagadu a titulu de afitu (pro cuntratos registrados a manera legale) e/o de impitos domèsticos (abba, lughe, gas, telèfono, Tari, riscaldamentu) bastat chi si siat mustrada in antis s'atestatzione chi su pagamentu siat istadu giai fatu;

Achisidos sos parres de regularidade tècnica e contàbile, espressados a manera respetiva dae sa responsàbile de sos servìtzios e dae sa Responsàbile de su servìtziu finantziàriu, cunforma e pro sos efetos de sos cales a s'art.49, comma 1, de su D.Lgs. 18.08.2000 n. 267;

cun votatzione a favore de sos presentes, totus de acordu

#### DELÌBERAT

DE RECONNÒSCHERE, pro sas resones acraridas mègius in premissa, sa summa de € 4681,59, chi corrispondet a sas economias acolumadas respetu a sas assegnatziones fatas dae custu Ente pro sas finalidades de sas cales a s'art. 53 de su D.L. 73/2021: "Mesuras urgentes de solidariedade alimentare e de sustennu a sas famìllias pro su pagamentu de s'afitu e de sos impitos domèsticos";

DE APROVARE, pro s'efetu, sos critèrios de màssima chi sighint pro s'assegnatzione de sos contributos de solidariedade alimentare, de sos cales a su mentovadu prus bortas art. 53 de su D.L. 73/2021:

1) Rechisidos

- atestatzione valore ISEE in cursu de valididade, cun unu valore non superiore a 15.000,00 Èuros;

- in sa gestione de sas resursas devet èssere dada prioridade a sas famìllias chi no ant sustennu pùblicu(Rèdditu de tzitadinàntzia, Rei, Naspi, indennidade de mobilitade, cassa integratzione, balàngios, àteras formas de sustennu prevididas a livellu locale o regionale)

2) Importu e modalidade de impitu de sos contributos:

- famìllia cumposta dae n. 1 cumponente € 150,00 su mese;
  - famìllia cumposta dae n. 2 cumponentes € 225,00 su mese;
  - famìllia cumposta dae n. 3 cumponentes € 300,00 su mese;
  - famìllia cumposta dae n. 4 cumponentes € 350,00 su mese;
  - famìllia cumposta dae n. 5 o prus cumponentes € 400,00 su mese;
- crèschida de € 50,00 in casu de presèntzia de minores o disabilidades permanentes o malàdias assotziadas a discumbèniu sòtziu-econòmicu;

3) Modalidade de impitu:

a. erogatzione de *voucher* asos tzitadinos, de impitare pro comporare roba de mandigare in sas butegas conventzionadas cun su Comune( chi ant a presentare rechestas de rembursu a su Comune), cunfirmende sas conventziones giai estipuladas cun sos esertzìtzios de Romana in su 2020 e perlonghende-las pro s'àteru tempus netzessàriu a s'executzione de su contributu nou cuntzessu e, s'est netzessàriu, previdende cuntzessiones noas;

b. pro mèdiu de rembursos deretos a sos tzitadinos de cantu pagadu a titulu de afitu (pro cuntratos registrados a manera legale) e/o de impitos domèsticos (abba, lughe, gas, telèfono, Tari, riscaldamentu) bastat chi si siat mustrada in antis s'atestatzione chi su pagamentu siat istadu giai fatu;

DE RECONNÒSCHERE chi sos fundos ant a èssere gestidos “ a sportello” finas a cando b'at a àere dinari;

de incarrigare s'ufitziu de sos servìtzios sotziales, s'est netzessàriu, de sebestare àteros critèrios subra de sa base de valutatziones professionali ispetzìficas, pro assegurare luego a sos tzitadinos chi ant prus bisòngiu e sunt prus interessados dae s'emergèntzia s'atzessu a sos benes de prima netzessidade;

DE INCARRIGARE sa responsàbile de s'ufitziu servìtzios sotziales de ammaniare, cunforma a sas indicatziones dadas dae sa Giunta, sos atos relativos a torrare pùblica s'erogatzione e sa modalidade de assegnatzione de su contributu

DE RECONNÒSCHERE chi s'ispesa chi derivat dae custu atu at a èssere leada in contu a su capìtolu PEG10140.01 codìfica de bilàntziu 1.04.02.05.000;

Cun àtera votatzione a favore de sos presentes,

DELÌBERAT, PURU,

de decrarare custu provedimentu luego esecutàbile, cunforma a s'art. 134 comma 4 de su d.lgs. n. 267/2000 e mm.ii.ii., reconnota s'urgèntzia de ammaniare sos atos chi nde consighint.

#### **PARRE DE REGULARIDADE TÈCNICA**

Cunforma a s'art. 49 c.1 de su T.U.E.L. su Dirigente/P.O. **DUT.RA CONTINI ANTONELLA** in data **15/12/2022** at espressadu parre a **FAVORE**

---

#### **PARRE DE REGULARIDADE CONTÀBILE**

Cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **15/12/2022** at espressadu parre a **FAVORE**

---

**Su Presidente**  
**Sìndigu CATTE LUCIA**

**Su Segretàriu Generale**  
**Dut. CARTA GIANCARLO**

---

#### **NOTA DE PUBLICATZIONE N. 637**

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 15/12/2022 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia